

ALTER ENERGY LTD

N05/03-1

5 მარტი 2020

საქართველოს გარემოს დაცვისა და
სოფლის მეურნეობის სამინისტროს

როგორც თქვენთვის ცნობილია შპს „ალტერ ენერჯი“ (საიდენტიფიკაციო კოდი: 445406515) შესაბამისი გარემოსდაცვითი გადაწყვეტილების (№2-376 01/05/2019 წ.) საფუძველზე შუახევის მუნიციპალიტეტის სოფ. გოგინაურის მიმდებარედ ახორციელებს მცირე სიმძლავრის ჰესის - „გოგინაური ჰესის“ მშენებლობის და ექსპლუატაციის პროექტს. პროექტის სამშენებლო სამუშაოები აქტიურ ფაზაშია შესული და ჰესის ექსპლუატაციაში გაშვება იგეგმება 2021 წლის სექტემბრის თვეში.

საქმიანობის მიმდინარეობის პარალელურად შპს „ალტერ ენერჯი“-ის დაკვეთით მომზადდა პროექტი „გოგინაური ჰესის“ მიერ გამოქვეყნებული ელექტროენერჯის საერთო ენერგოსისტემაში ჩართვის მიზნით. აღნიშნული პროექტი გულისხმობს 35 კვ ძაბვის და 251 მ სიგრძის საკაბელო ეგზ-ს მოწყობას „გოგინაური ჰესის“ ძალოვანი კვანძიდან არსებული საპარო ეგზ „ლომონაური“-ს Y35-1+5 ტიპის საყრდენ ანძამდე. აღსანიშნავია, რომ საპროექტო საკაბელო ეგზ-ს ტრასა გადის ჰესის მილსადენის დერეფანში (სამინისტროსთან შეთანხმებული ე.წ. „shape“ ფაილების საზღვრებში) და არსებული საავტომობილო გზის მომიჯნავედ, რაც საუკეთესო გადაწყვეტილებაა გარემოსდაცვითი თვალსაზრისით.

პროექტი მიეკუთვნება საქართველოს კანონის „გარემოსდაცვითი შეფასების კოდექსის“ მე-2 დანართით განსაზღვრული საქმიანობების ნუსხას, კერძოდ: პუნქტი 3.4. „35 კილოვოლტი ან მეტი ძაბვის მიწისზედა ან/და მიწისქვეშა ელექტროგადამცემი ხაზის გაყვანა, 110 კილოვოლტი ან მეტი ძაბვის ქვესადგურის განთავსება“. კანონის მოთხოვნით საქმიანობა ექვემდებარება კოდექსის მე-7 მუხლით გაწერილ სკრინინგის პროცედურას.

ზემოაღნიშნულის შესაბამისად ამავე მუხლის მე-2 პუნქტის მოთხოვნის საფუძველზე წარმოგიდგინებ სკრინინგის განცხადებას 35 კვ ძაბვის საკაბელო ეგზ „გოგინაური ჰესი-35 კვ ეგზ ლომონაური“-ს მშენებლობა-ექსპლუატაციისთვის.

წერილს დანართის სახით თან ერთვის კოდექსის მე-7 მუხლის მე-4 პუნქტით მოთხოვნილი ინფორმაცია, კერძოდ:

- ინფორმაცია დაგეგმილი საქმიანობის შესახებ (ნაბეჭდი და ელ. ვერსია);
- ინფორმაცია დაგეგმილი საქმიანობის მახასიათებლების, განხორციელების ადგილისა და შესაძლო ზემოქმედების ხასიათის შესახებ (ნაბეჭდი და ელ. ვერსია).


გთხოვთ განიხილოთ წარმოდგენილი დოკუმენტაცია და მიიღოთ გადაწყვეტილება იმის თაობაზე, ექვემდებარება თუ არა დაგეგმილი საქმიანობა გზშ-ს.

ამასთანვე ვთვლით, რომ წერილის დანართში წარმოდგენილი ინფორმაცია საკმარისად დეტალურად ასახავს პროექტის გახორციელების შედეგად მოსალოდნელ გარემოზე ზემოქმედების საკითხებს.

პატივისცემით,

დირექტორი

ზურაბ მერაბიშვილი



57737 01 03

შპს „ალტერ ენერჯი“

თბილისი, გულიანოს მოედანი N4. - (ს.ნ. 445406515)

www.alterenergy.ge